

## Chiiruajtkat Karaloukta nütüma Pablo

### namüin na Chajanakana

# TESALÓNICA

**1** <sup>1</sup>Tayakai Pablo, namaa na tawalayuukana Silas oo'ulaka Timoteo, tashajüin joolu'u jümüin jiakana anoujashiikana nünain chi Washikai Maleiwa otta chi Wasenyotsekai Jesucristo, jia chakana sulu'u tü outkajaaleekat cha'aya Tesalónica.

<sup>2</sup>Achuntüshii waya jaa'u nümüin chi Washikai Maleiwa je nümüin chi Wasenyotsekai Jesucristo süpüla nee'iyatüinjanain na'anasia waneepia jümüin je süpüla naapüinjanain anaa jümüin.

#### Achuntüshi Pablo naa'u na anoujashiikana

<sup>3</sup>Acheküshii waapüin analu'ut nümüin chi Maleiwakai jaa'u waneepia, süka sükoo'omüinrain sütsüin tü jünoulakat je süka sükoo'omüinrain aijiraain jia jüpüla wane'ewai jukua. <sup>4</sup>Wa'waajüin jia no'upala na anoujashiikana sainküin mmakat süpüshua süka jüchecherüin jaa'in su'unnaa na'ürüla na manoujainsaliikana otta tü müliaa jji'rakat.

<sup>5</sup>Je sükajee tüü, kamanejeechi chi Maleiwakai jümüin mapeena süpüla eenjanain jia nümaa

cha'aya eere nuluwataain. Soteerü naa'in jüchecherapü'üin jaa'in su'unnaa tü müliaa jji'rapü'ükat sünainjee anoujaa nünain. Je so'u ka'ikat tia, jütüjaweerü aa'ut sünain pansaain tü nümapü'ükat jümüin sünain naapüinjatüin tü anasükat jümüin saa'u tü müliaa jji'rapü'ükat. <sup>6</sup>Alu'ujasa na e'rülüipü'ükana wayümüin jümüin, süsaleena naya naainjala nütüma chi Maleiwakai mapeena, süka pansaain ma'i tü nümapü'ükat sümüin wayuu süpüshua sünain kasalajanainjatüin saainjala sümüin. <sup>7</sup>Otta jiakana eekai müliain, maa aka wayakana müliakana wanaa jümaa, oo'ule'enneena waya suulia tü müliaakat so'u tü ka'i nii'iyataainjachikat o'u chi Wasenyotsekai Jesucristo sümüin wayuu chajee iipünaajee namaa na aapiee pülashiikana ma'i pasanain sünain wane suwarala siki chuwaatsü ma'i.

<sup>8</sup>Otta na me'raajüinkana chi Maleiwakai saa'u nnojoliin kapülain naa'in nüchiki chi O'tte'erüikai chi Wasenyotsekai Jesucristo, süsaleena naya naainjala so'u ka'ikat tia. <sup>9</sup>Ne'reerü müliaa süpüla

ka'ikat süpüshua. Je müina naya nnojoliin antiün nüma'anamüin chi Senyotkai, chi pülashikai ma'i, chi anashaataakai akuaiippa. <sup>10</sup>Otta so'u ka'ikat tia, anteechi chi Senyotkai süpüla kojutüinjachin nia natüma na anoujashiikana napüshuale'eya. Otta jiakana, eejeena apashii süna ju'waajüin nia sükajee joonooiin sümaa tü wekirajapü'tikat anain jia.

<sup>11</sup>Süka jülüjüin waa'in ka'ikat tia, achuntüshii waya waneepia jaa'u nüümüin chi Washikai Maleiwa süpüla jaa'inrüinjatüin tü jeenakünakat apüla nütüma. Achuntüshii waya nüümüin chi Maleiwa Pülashikai ma'i süpüla juuntüin jikeraajüin nütüma tü kasa anasü jaa'inreekat sünaïnjee tü jünoulakat. <sup>12</sup>Je juunteerü jaa'inrüin süka nee'iyatüin na'anasia jümüin chi Washikai Maleiwa je chi Wasenyotsekai Jesucristo. Je sünaïnjee tü kasa anasü jaa'inrakat, kojutechi chi Wasenyotsekai Jesucristo sütüma wayuu je kojuteena jiakana mapeena nütümaya.

#### Nüchiki chi E'rüikai Wayümüin

**2** <sup>1</sup>Tawalayuwaa, soo'opünaa nüntajachin chi Wasenyotsekai Jesucristo sümaa wokolochijününjanain nünainmüin, wachuntüin jümüin <sup>2</sup>süpüla nnojoliinjanain jüshapataain aa'in sütüma sünüiki wane wayuu sünaïn saapirüin jia soo'opünaa nüntüichipain chi Senyotkai saajüin. Saajüin tü wayuukolüürua, aküjünüsü tia nütüma wane aapirüi süka nüünüiki Maleiwa oo'ulaka sulu'u wane karaloukta washajalakat. <sup>3</sup>Tamüshii paala jia tachikua: Jalia jia jünouja'alajayaa

tü namakat süka alawaain ne'e shia. Aküjashi paala taya süchiki wane kasa: Süpülapünaa tü ka'i nüntünjachikat o'u chi Senyotkai, ayouktüneechi nia sütüma wayuu wainma oo'ulaka ee'iyataajeechi chi E'rüikai Wayümüin, chi e'itaushitüjüika'iyaa süpüla amüloulinjachin. <sup>4</sup>E'rüijeechi ma'i wayümüin nia nüümüin chi Maleiwakai je sümüin tü sümaleiwaseyaasükalüürua wayuu. Ekeroleechi nia sulu'u tü a'waajüleekat Maleiwa sümaa nüikkalaain süpüla aluwatawaa wayuu chaa sulu'u süka niain Maleiwain naajüin.

<sup>5</sup>Soto jaa'in sünaïn taashajaapü'üin jümüin süchiki tüü wanaa sümaa eepü'üin taya jümaa. <sup>6</sup>Chi E'rüikai Wayümüin, nnojoyülia ee'iyataain. Otta jiakana, jütüjaa aa'uchi chi a'alijitkai nia suulia nii'iyataainjachin wane'ere'eya so'u tü ka'i nüchekakat o'u chi Maleiwakai. <sup>7</sup>Shiümüin sünaïn koo'omüin kaainjalaa maa'ulu yaa sütüma tü naa'inrakat chi E'rüikai Wayümüin. Otta nnojoyülia emetülüin tü kaainjalaakat süka sa'alijinnüin nuulia. Je chi a'alijitkai nia, ayateechia sünaïn na'alijirüin wane'ere'eya nüsünne'ennapa nuulia. <sup>8</sup>Je so'uweena ka'ikat tia, taashi meechia chi E'rüikai Wayümüin süpüla nii'iyataainjachin. Otta so'uweena tü ka'i nüntakat o'u chi Senyotkai Jesús, eewoleechi chi E'rüikai Wayümüin sütüma nüünüiki Jesús süka pülashaatain ma'i nia. Oukta meechia'a nia nütüma sünaïn saja'lajaaïn tü nüpülainkat.

<sup>9</sup>Je süchikijee nii'iyataain chi E'rüikai Wayümüin, naa'inreerü tü mojusükot nüchekakat Satanás

nüpüleerua. Poneerü ma'i naa'in na wayuukana tü naa'inrakat, süka naa'inreerüin tü kasa eekai müin aka saa'in tü nütüjakat apüleerua Maleiwa nümüiwa, süka pülashinjachin nia nütüma Satanás.<sup>10</sup> Chi E'rüikai Wayümüin, süka nüküjeerüin alawaa soo'optünaa tü kasa mojusü naa'inreerkat, oushikajaajeena nüchiirua na wayuu eekai nanoujain tü alawaa nüküjeerkat namüin. Naya na amüloulinjanakana saa'u nayouktüin paala tü shiimüin nümakat chi Maleiwakai namüin, tü o'tte'ennüinjanakat akajee naya.<sup>11</sup> Süka nayouktüin chi Maleiwakai, nuu'ulaa inapa naya süpüla ayatüin süna in tü alawaakat.<sup>12</sup> Shiimüin süna in süsalainjanain naya naainjala nütüma chi Maleiwakai sümaa kakatüinjanain naya nuulia süka nayouktüin tü shiimüinkat süpüla naa'inrüinjatüin tü kasa mojusü keejiakat namüin.

#### Eme'ejüna aa'inchii na anoujashiikana süpüla walayalainjanain

<sup>13</sup>Tawalayuwaa, jia aishiikana nüpüla chi Senyotkai, aapüshi analu'ut taya jaa'u waneepia nümüin chi Maleiwakai. Süpülapünaa saainjünüin tü mmakat, aneekajuushitüjülü'iya jia nütüma süpüla ju'tte'ennüinjanain. Je joolu'u saa'u joonoo inapain sümaa tü shiimüin nünüikikat chi Maleiwakai, akatannüshii jia nünainmüin nütüma chi Naa'inkai suulia kaainjalaa.<sup>14</sup> Ajütünüshii waya paalainka nütüma chi Maleiwakai jünainmüin süna in aküjaa nüchiki Cristo, chi O'tte'erüikai, shii'iree ju'tte'ennüinjanain nütüma. Nücheküin chi Maleiwakai

süpüla eenjanain jia nümaa chi Wasenyotsekai Jesucristo süna in anashaata in ma'i jia no'ulu'u.<sup>15</sup> Je sükajee tia, tawalayuwaa, anakaja müleka katsüinre jaa'in süna in anoujaa süpüla jaa'inrüinjatüin tü wekirajapü'ukat anain jia, maa aka tü waküjakat oo'ulaka tü washajakat jümüin.

<sup>16-17</sup> Waapüin analu'ut nümüin chi Maleiwakai süka alin ma'i waya nüpüla süna in anamiain ma'i nia wamüin. Ayatshi'iya waya süna in wachecherüin waa'in, süka watüjaain naa'u süna in naa'inrüinjatüin süpüshua tü nüküjakat achiki wamüin paala. Je sükajee tia, achuntüshii waya jaa'u nümüin chi Wasenyotsekai Jesucristo je nümüin chi Washikai Maleiwa süpüla natütüjünjanain jia süpüla katsüinjatüin jaa'in süna in aa'inraa tü anasükat sümüin wayuu je süna in jüküjain tü shiimüinkat namüin.

#### Kee'iresü naa'in Pablo achuntünaa aa'u

**3** <sup>1</sup>Tawalayuwaa, saa'u tekeraajee in joolu'u tü tashajakat jümüin, toso'iree aa'inchii jia süpüla juchuntüin waa'u süpüla su'walakajaamaatüin nüchiki chi O'tte'erüikai watüma, süpüla kojutüinjatüin shia sütüma wayuu wainma maa aka paala jütüma jiakana.<sup>2</sup> Soto jaa'in süna in wainmain wayuu eekai e'rülü in wayümüin nnojotkat anoujain nünain Cristo. Anakaja jüchüntüle waa'u süpüla nnojolü in sümalajaain natüma tü wa'yataainkat ja'aka.<sup>3</sup> Akatsa'a watüjaain aa'u süna in nikerajüninjatüin chi Maleiwakai tü naa'inrüinjattüjütükalia ja'aka.

Katsünjeerü jaa'in nütüma sümaa jaa'inmajününjanain suulia sümalajaain tü jünoulakat. <sup>4</sup>Je sükajee tüü, watüjaa aa'uchii jia sünaain jaa'inrüin joolu'u tü waluwataakat anain jia je sünaain nnojoleerüin juu'ulaain suulia. <sup>5</sup>Achuntüshi taya jaa'u nümüin chi Maleiwakai süpüla nükaaliijainjanain jia sünaain aijiraain jia jüpüla maa aka alin jia nüpüla, je sünaain jülatirüin tü müliaa ji'rakat, maa aka nülatirüin Cristo tü müliaa ni'rakat.

**Achiajaanüshii naya  
suulia shukulajüin**

<sup>6</sup>Tawalayuwaa, sükajee tajütüshin nütüma chi Wasenyotsekai Jesucristo, taluwataain joolu'u jia sünaain nnojölüin wanaawajiraain jaa'in namaa na juwalayuü akulajaakana aa'in sünaain a'yatawaa süka moonooloin naya sümaa tü wekirajapü'ükat anain jia. <sup>7</sup>Soto jaa'in wanaa sümaa tachuntapü'üin jümüin süpüla jüshatüinjatüin tü wakuaippakat. Wanaa sümaa eepü'üin waya ja'aka, nnojotsü akulajaain waa'in sünaain a'yatawaa, <sup>8</sup>alu'ujasa a'yataapü'üshii waya so'uka'i, sa'wai suulia weke'ejüin jaa'in süchiirua tü weküinjatkat. <sup>9</sup>Anasüyaaje müleka wawalaajünüle jütüma wanaa sümaa tia saa'u waküjain nüchiki chi O'tte'erüikai jümüin. Akatsa'a nnojotpü'üin wachuntüin awalaajünaa jümüin, süpüla jüshatüinjatüin wakuaippa sünaain nnojoliin shukulain waya. <sup>10</sup>Soto jaa'in tü waluwataapü'ükat anain jia wanaa sümaa eepü'üin waya ja'aka: "Chi eekai shukulajaain naa'in sünaain a'yatawaa, nnojoleechi

ekinnüin", mapü'üsü tü wamakat jümüin.

<sup>11</sup>Taapa achikit sünaain een ja'aka eekai nakulajaain aa'in sünaain a'yatawaa. Waraittühii ne'e sainküin miichi sünaain eperulajawaa namüin na nawalayuukana.

<sup>12</sup>Sükajee ajütüshin waya nütüma chi Wasenyotsekai Jesucristo, wachiajaain na shukulashiikana süpüla noo'ulaainjanain suulia tia süpüla na'yataainjanain saa'u tü nekajatkat aa'u. <sup>13</sup>Otta jiakana, tawalayuwaa, nnojo jukulajaain aa'in sünaain jaa'inrüin tü kasa anasükat waneepia.

<sup>14</sup>Jülüja jaa'in chi juwala moonooinkai sümaa tü taluwataakat anain jia sulu'u tü karalouktakat. Anakaja müleka nnojorule wanaawajiraain jaa'in nümaa süpüla japülinjachin nia süttüma tü naa'inrakat. <sup>15</sup>Otta nnojoleechi jü'ürülaain nia, alu'ujasa jüchiajaa nia süka juwalain nia.

**Apütaashi Pablo napüla  
na nuwalayuukana**

<sup>16</sup>Achuntüshi taya jaa'u nümüin chi Senyotkai, chi anajiraakai atüma waya, süpüla naapüinjatüin anaa jümüin waneepia su'unnaa tü alatakat jümüin, eekai mojuin je eekai anain. Jütüjaa aa'uchi chi Maleiwakai sünaain een nia waneepia jümaa jüpüshua.

<sup>17</sup>Anuu tashajüin joolu'u tü tanülüakat süka tajapü, süpüla jütüjaainjatüin saa'u sünaain tama'anajeejatüin tü karalouktakat, tayakai Pablokai, maa aka tü takuaippapü'ükat sünaain ashajaa.

<sup>18</sup>Achuntüshi taya nümüin chi Wasenyotsekai Jesucristo süpüla nii'iyatüinjatüin waneepia na'anasia jümüin.